

Հաստատվել է
ՀՀ փաստաբանների պալատի նախագահի
08.08.2025թ. թիվ 240-Լ որոշմամբ

ՀՀ փաստաբանների պալատի հաշվիչ հանձնաժողովի
12.08.2025թ. թիվ 4 որոշմամբ

ԿԱՐԳ

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ՓԱՍՏԱԲԱՆՆԵՐԻ ՊԱԼԱՏԻ 2025 ԹՎԱԿԱՆԻ ՍԵՊՏԵՄԲԵՐԻ 13-Ի ԸՆԴՀԱՆՈՒՐ ԺՈՂՈՎԻ ԿԱԶՄԱԿԵՐՊՄԱՆ ԵՎ ԱՆՑԿԱՑՄԱՆ ԳՈՐԾԸՆԹԱՑՈՒՄ ՕԺԱՆԴԱԿՈՒԹՅՈՒՆ ՑՈՒՑԱԲԵՐԵԼՈՒ ՄԱՍԻՆ

1. ԸՆԴՀԱՆՈՒՐ ԴՐՈՒՅԹՆԵՐ

1.1. Սույն կարգը (այսուհետև՝ Կարգ) սահմանում է Հայաստանի Հանրապետության փաստաբանների պալատի (այսուհետև՝ Պալատ) 2025 թվականի սեպտեմբերի 13-ի ընդհանուր ժողովի (այսուհետև՝ Ընդհանուր ժողով) կազմակերպման և անցկացման գործընթացում Պալատի օժանդակության պայմանները և ընթացակարգը:

1.2. Պալատի նախագահի թեկնածուները (այսուհետև՝ Թեկնածուներ) Կարգով նախատեսված Պալատի միջոցներից օգտվում են հավասար պայմաններով:

1.3. Կարգը չի կարող խտրական կիրառվել փաստաբանների, այդ թվում՝ Թեկնածուների նկատմամբ:

1.4. Կարգի կիրառման նկատմամբ հսկողությունն իրականացնում է Պալատի աշխատակազմի ղեկավարը (այսուհետև՝ Պատասխանատու):

2. ՊԱԼԱՏԻ ԿԱՅՔԷՋԻՑ ՕԳՏՎԵԼՈՒ ԿԱՐԳԸ ԵՎ ՊԱՅՄԱՆՆԵՐԸ

2.1. Ընդհանուր ժողովի վերաբերյալ բոլոր տեղեկությունները (հայտարարություններ, լուրեր, որոշումներ, արձանագրություններ և այլ նյութեր) հրապարակվում են Պալատի կայքէջում առկա համապատասխան բաժիններում:

2.2. Պալատի կանոնադրության 13.6 կետին համապատասխան Պալատի կայքէջում հրապարակելու համար Թեկնածուներից յուրաքանչյուրը կարող է առավելագույնը երկու անգամ ներկայացնել իր քարոզչական նյութն այն պայմանով, որ՝

- նյութը պետք է պարունակի թեկնածուի ստորագրությունը.
- նյութը չի կարող պարունակել վիրավորական արտահայտություններ կամ գրպարտչական տեղեկություններ.
- նյութը պետք է ներկայացվի նաև էլեկտրոնային տարբերակով (էլեկտրոնային փոստով կամ կրիչով):

2.3. Կարգի 2.2 կետում նշված նյութը Պալատի կայքէջում հրապարակելու հարցը որոշում է Պատասխանատուն՝ նյութը ստանալուց հետո մեկ աշխատանքային օրվա ընթացքում: Եթե Թեկնածուի՝ Պալատի կայքէջում նյութ

հրապարակելու հայտը (դիմումը) չի համապատասխանում Կարգի 2.2 կետում նշված որևէ պայմանի, ապա Պատասխանատուն կարող է մերժել հայտը՝ գրավոր կարգով պատճառաբանելով մերժումը:

2.4. Թեկնածուն Պատասխանատուի մերժման հարցով կարող է դիմել Պալատի հաշվիչ հանձնաժողովին: Պալատի հաշվիչ հանձնաժողովի որոշումը՝ նյութի հրապարակումն ապահովելու վերաբերյալ, հիմք է նյութն անհապաղ կայքէջում հրապարակելու համար:

2.5. Պալատը չի օժանդակելու թեկնածուներին կամ փաստաբաններին նախընտրական քարոզչության ժամանակահատվածում փաստաբաններին էլեկտրոնային փոստով գրություններ, ուղերձներ կամ այլ հայտարարություններ ուղարկելու հարցում, բացառությամբ սույն կարգի 4.3 կետում նշված դեպքի:

3. ՊԱԼԱՏԻ ԴԱՎԼԻՃԻՑ (ՄԱՐԶԱՅԻՆ ԳՐԱՍԵՆՅԱԿԻՑ) ՕԳՏՎԵԼՈՒ ԿԱՐԳԸ ԵՎ ՊԱՅՄԱՆՆԵՐԸ

3.1. Պալատը հնարավորություն է ստեղծում Թեկնածուին առնվազն 2 (երկու) ժամով անվճար օգտվել Պալատի՝ ք.Երևան, Զաքյան 7-2 հասցեի 4-րդ հարկում գտնվող դահլիճից կամ Պալատի համապատասխան մարզային գրասենյակից՝ հետևյալ կարգով.

- մինչև 2025թ. օգոստոսի 25-ը (ներառյալ) թեկնածուն պետք է գրավոր ներկայացնի հայտ՝ նշելով իր նախընտրած օրը, ժամը և վայրը, ինչպես նաև հանդիպման ակնկալվող ողջամիտ տևողությունը, որը չի կարող գերազանցել 2 (երկու) ժամը.
- Պատասխանատուն Թեկնածուներից ստացված հայտերի հիման վրա մինչև 2025թ. օգոստոսի 26-ը (ներառյալ) որոշում է տարածքների զբաղվածության գրաֆիկը և հրապարակում է այն Պալատի կայքէջում:

3.2. Այն դեպքում, երբ Թեկնածուների՝ տարածքից օգտվելու հայտերում նշված օրերը և ժամերը մասամբ կամ ամբողջությամբ համընկնում են, ապա Պատասխանատուն՝ հաշվի առնելով արդարության ընդհանուր սկզբունքը ինքնուրույն է որոշում Թեկնածուների կողմից տարածքից օգտվելու ժամանակացույցը: Հայտերի մեծ քանակի դեպքում, Պատասխանատուն կարող է հանդիպման տևողությունը սահմանափակել 1 (մեկ) ժամով՝ բոլոր Թեկնածուների համար:

4. ԹԵԿՆԱԾՈՒՆԵՐԻ ՀԱՄԱՐ ԲԱՆԱՎԵՃ ԿԱՄ ՔՆՆԱՐԿՈՒՄ ԱՆՑԿԱՑՆԵԼՈՒ ՆՊԱՏԱԿՈՎ ԴԱՎԼԻՃ ԱՊԱՀՈՎԵԼՈՒ ԿԱՐԳԸ ԵՎ ՊԱՅՄԱՆՆԵՐԸ

4.1. Թեկնածուների առնվազն 2 (երկու) գրավոր հայտի դեպքում կամ Պալատի նախաձեռնությամբ, Պալատը՝ Թեկնածուների համար բանավեճ կամ քննարկում անցկացնելու նպատակով, մեկ անգամ կարող է ապահովել Պալատի գտնվելու վայրում կամ այլ վայրում դահլիճի տրամադրումը:

4.2. Բանավեճի կամ քննարկման անցկացման նպատակով վարձակալած դահլիճում կազմակերպչական գործողություններն ապահովում է Պալատը:

4.3. Բանավեճի կամ քննարկման համար նախատեսված վայրի և ժամանակի, ինչպես նաև այլ պայմանների վերաբերյալ հայտարարությունը նախապես (առնվազն մեկ օր առաջ) տեղադրվում է Պալատի կայքէջում, ինչպես նաև կարող է ուղարկվել փաստաբաններին՝ էլեկտրոնային փոստի միջոցով:

5. ՄԱՐԶԵՐԻ ՓԱՍՏԱԲԱՆՆԵՐԻՆ ՏՐԱՆՍՊՈՐՏԱՅԻՆ ՄԻՋՈՑՈՎ ԱՊԱՀՈՎԵԼՈՒ ԿԱՐԳԸ ԵՎ ՊԱՅՄԱՆՆԵՐԸ

5.1. Մարզերի փաստաբանների՝ Ընդհանուր ժողովին մասնակցելու իրավունքն իրացնելու համար, Պալատը կապահովի Հայաստանի Հանրապետության բոլոր մարզերից Երևան քաղաք (քվեարկության անցկացման վայր) տեղափոխումը և հետադարձը դեպի մեկնման վայր՝ հետևյալ կարգով և պայմաններով՝

- Տրանսպորտային միջոցը կամ միջոցներն (**այսուհետև՝ Տրանսպորտային միջոց**) ապահովում է Պատասխանատուն՝ հաշվի առնելով նաև տվյալ մարզի մարզային համակարգողի առաջարկը՝ փաստաբանների քանակի, երթուղու և մեկնման ժամի վերաբերյալ.

- Տրանսպորտային միջոցը պետք է երթուղին սկսի նախապես հայտարարված ժամին և վայրից.

- Տրանսպորտային միջոցից կարող են օգտվել տվյալ մարզում գտնվող բոլոր փաստաբանները.

- Ըստ մարզերի՝ Տրանսպորտային միջոցների երթուղիների, մեկնման ժամի և վայրի մասին տեղեկությունները մինչև 2025 թվականի սեպտեմբերի 10-ը պետք է հրապարակվեն Պալատի կայքէջում:

5.2. Պատասխանատուն կամ մարզային համակարգողը պարտավոր է ապահովել, որպեսզի Տրանսպորտային միջոցում փակցվի՝ «Քարոզչությունն արգելվում է» հիշեցում-թերթիկ կամ քարոզչությունն արգելված լինելու մասին իրազեկել Տրանսպորտային միջոցից օգտվող փաստաբաններին:

6. ԵԶՐԱՓԱԿԻՉ ԴՐՈՒՅԹՆԵՐ

6.1. Կարգն ուժի մեջ է մտնում ստորագրման պահից և գործում է մինչև 2025 թվականի սեպտեմբերի 13-ը՝ ներառյալ:

6.2. Հաշվիչ հանձնաժողովի պահանջով Կարգը ենթակա է վերանայման: